



**ՄԻՆԱՅԻՆ ԹԱՎԱՐՅԱՆ**  
**ՀՊՏՀ Կառավարման ֆակուլտետի դեկան**,  
տնտեսագիտության թեկնածու, դոցենտ

**ՀՀ ՍՈՑԻԱԼ-ՏՏԵՍԱԿԱՆ ԶԱՐԳԱՑՄԱՆ  
ԱՐԴԻ ՀԻՄԱԽԱՆՈՒԹՅԱՆ ՈՒ ԴՐԱՆՑ  
ԼՈՒԾՄԱՆ ՆՊԱՍՏՈՂ ԺԱՄԱՆԱԿԱԿԻՑ  
ԳՈՐԾՈՆՆԵՐԸ**

Հոդվածում քննարկվում են ներկա փոլում ՀՀ սոցիալ-տնտեսական զարգացման հիմնախնդիրները և դրանց լուծմանը նպաստող ժամանակակից գործոնները: Մասնավորապես, արդի դարաշրջանում աշխարհի բոլոր երկրներում էլ մեծացել են տնտեսական զարգացման գործընթացների սոցիալական տեսանկյունների ուսումնակիրությունները: Քանի որ ՀՀ-ն համաշխարհային տնտեսության բարկացուցիչ տարրերից մեկն է, ուստի զրոբացման պայմաններում տեղի ունեցող վերափոխումները վերաբերում են նաև երկրին: Տնտեսական համընդհանրացման սոցիալական հետևանքների ուսումնասիրությունները հրատապ են նաև ՀՀ պարագայում: Կարևոր նշանակություն են ստանում ֆինանսատնտեսական ճգնաժամերի, ներդրումների, «կապիտալի փախուստի», արտագաղթի, մրցունակության, նորամուծական զարգացումների վերլուծությունները:

**Հիմնաբառեր.** սոցիալ-տնտեսական զարգացում, օտարերկրյա ուղղակի ներդրումներ, մրցունակություն, մարդկային կապիտալ, նորամուծություն, համախառն կուտակում

JEL: O1, O10, O11

Արդի պայմաններում ցանկացած երկրի բուն նպատակը սոցիալապես կայուն տնտեսական աճի ապահովումն է, որն էլ ենթադրում է կառուցվածքային խոր վերափոխումներ: Փորձը ցույց է տալիս, որ սկզբնական շրջանում նշված գործընթացն ուղեկցվում է տնտեսական աճի տեմպերի դանդաղեցմանք: Դրա վառ ապացույցն են անցյալ դարի 70-ական թթ. արևմտյան մի շարք երկրներում տեղի ունեցած համանման երևույթները: Դա բացատրվում է հետևյալ հանգանանքներով. գոյություն ունեցող տնտեսական ենթակա-

ռուցվածքների՝ առաջադրված տնտեսական խնդիրների լուծմանն անհամապատասխանությունը, ռեսուրսների սղությունը, նոր տեխնոլոգիաների օգտագործման անբավարար մակարդակը և այլն<sup>1</sup>:

Պակաս դերակատարում չեն ունեցել նաև տնտեսական ու քաղաքական ռիսկերը՝ կապված էներգակիրների գների փոփոխությունների հետ: Ընդհանրապես, շուկայական տնտեսության անցման պայմաններում անխուսափելի են դաշնում արմատական փոփոխությունները: Պետք է նշել, որ նոր տնտեսակարգի մարտահրավերների հաղթահարումը տարբեր երկրներում տարբեր տևողությամբ է կատարվում: Պատահական չէ, որ խորքային փոփոխություններ վերապրող հասարակությունը կայունացման կարիք է ունենում: Ավելին, ազգային համաձայնության ձևավորումը բավականին տևական ժամանակ է պահանջում՝ անգամ տասնամյակներ: Բացի այդ, եթե երկրի սոցիալ-տնտեսական զարգացման համար ճիշտ ուղղություն է ընտրված, ապա դա կնպաստի տնտեսական, մշակութային, սոցիալական զարգացած հասարակարգի ձևավորմանը:

Ներկայում սոցիալ-տնտեսական զարգացման վրա ազդող գործոններից են գերտերությունների միջև ընթացող մրցակցային գործընթացները: Դա իր անմիջական հետևանքներն է ունենում նաև << տնտեսության վրա: Հայտնի է, որ մրցակցությունը շուկայական տնտեսության կարևորագույն հատկանիշներից է: Իրականում դա դրսորվում է տնտեսավարող սուբյեկտների միջև ընթացող պայքարով, որի հետևանքով յուրաքանչյուրի գործողությունն ուղղված է լինում ապրանքաշրջանառության պայմանների ներգործությանը: Ցուրաքանչյուր մրցակից, օգտագործելով տարբեր տիպի անբարեխիղ մեթոդներ, ձգտում է դաշտն ազատել մրցակիցներից: Ժամանակակից տնտեսագիտության տարբեր ուղղությունների ներկայացնեցիչներ նշել են, որ մրցակցությունը ծնում է մենաշնորհներ: Այս ինաստով, գլխավոր շարժիչ ուժը դաշնում է պարզ և կայուն տնտեսական հեռանկարներին ձգտելը, որի շնորհիվ էլ տնտեսական գործունեության համար կայուն հիմքեր են ձևավորվում: Նման ձևերով են ստեղծվել այն շուկայական կառուցվածքները, որոնք այժմ գերակշռում են առաջատար երկրների տնտեսություններում: Շուկայական այդ կառուցվածքին անցնելը արևմտյան երկրներից դարեր է պահանջել, որի ընթացքում մարդագնին մշակվել են համապատասխան տնտեսավարման կանոններ: Բացի դրանից, այս կամ այն շուկայի մենաշնորհային բնույթը որոշող քանակական չափորոշիչներից զատ, որոշվել են նաև, այսպես կոչված, ձեռնարկատիրական մենաշնորհները, երբ մեկ կամ մի քանի ֆիրմաներ շուկայում գերիշխող դիրք էին գրավում: Այսպիսով, մի կողմից՝ առկա են բազմաթիվ ձևեր և եղանակներ ֆիրմաների կողմից մրցակցությունը սահմանափակելու համար, որոնք ձևականորեն մենաշնորհներ չեն, մյուս կողմից՝ ֆիրմաները ձևական մենաշնորհներ են՝ հաշվի առնելով դրանց չափերն ու շուկայի տիրապետման աստիճանը: Դրանք այնպիսի գնային քաղաքականություն են վարում, որն ապահովում է բավարար եկամուտներ, հետևաբար՝ արտացոլում է դրանց երկարաժամկետ շահերը՝ շուկային տիրապետելու ինաստով: Ցուրաքանչյուր պետություն պետք է նպաստավոր պայմաններ ստեղծի ազատ մրցակցության համար, քանի որ մակրոմակարդակում մրցակցությունը գների և ծախսերի նվազեցման խթաններից է:

<sup>1</sup> Տե՛ս Մելյանցես Վ.Ա., Ինформационная революция—феномен “новой экономики”. М., “Мировая экономика и международные отношения”, №2, 2001, էջ 14:

Սակայն պետք է նշել, որ եթե հասարակության իիմնական զանգվածն օժտված չէ մրցակցային հարաբերությունների սոցիալական հոգեբանությամբ, ապա, վերափոխումները բավական դանդաղ կընթանան: Մյուս կողմից՝ եթե անգամ մրցակցային հարաբերություններն ավանդական են, ապա, միևնույն է, մրցակցությունն, ինչպես նաև դրա դերը երկրի տնտեսության զարգացման գործում սահմանափակ բնույթ է կրում:

Ակնհայտ է, որ շուկայական տնտեսության պայմաններում մրցակցային պայքարը տարբեր սուբյեկտների կողմից տարվում է տարբեր մակարդակներում: Ապրանքների մրցապայքարն այնպիսի նպատակներ է հետապնդում, որոնք տարբերվում են մրցակցող ֆիրմաների նպատակներից: Ի դեպ, երկրները միմյանց հետ մրցակցում են յուրահատուկ ձևերով. դրանց նպատակներն ու մեթոդները բացահայտ տարբերվում են ինչպես ապրանքային, այնպես էլ ֆիրմաների մրցակցությունից: Հետևաբար, մի կողմից՝ մրցակցության յուրաքանչյուր մակարդակում լուծվում են տարբեր խնդիրներ, մյուս կողմից՝ մրցակցության տարբեր մակարդակներն իրար հետ սերտ կապի մեջ են: Վերոնշյալից կարելի է եզրակացնել, որ ապրանքների մրցակցությունը սովորաբար լուծում է կարճաժամկետ խնդիրներ՝ դրանց անմիջական վաճառքի միջոցով, իսկ ֆիրմայի մրցակցությունը՝ միջին և երկարաժամկետ խնդիրներ, որոնք կապված են ներդրումային ռեսուրսների ներգրավման հետ: Ինչ վերաբերում է տարբեր երկրների միջև ընթացող մրցակցությանը, ապա դա լուծում է երկարաժամկետ, պատմական խնդիրներ, որով ապահովվում է ազգի գոյատևումն ու զարգացումը, սոցիոմշակութային արժեքների ստեղծումը: Այսպիսով՝ մրցակցային հարաբերությունների իրավական նորմերի ստեղծումը ենթադրում է նաև կրոնակարդակում առավելության ձեռքբերում: Այժմ տարածված է այն տեսակետը, որ երկրի մրցունակությունը ձևավորվում է որպես ապրանքների, ֆիրմաների մրցունակության անբողջություն: Սակայն իրականում ապրանքների և ֆիրմաների մրցունակությունը ձևավորվում է ազգային արժեքների համակարգի և պատմական հենքի վրա: Դրա շնորհիվ էլ ստեղծվում են ազգային տնտեսության կառուցվածքը, տնտեսավարման վարքագիծը, տնտեսության մասնագիտացումը և այլն: Մրցակցող սուբյեկտների նպատակները ձևավորվում են մի շարք գործուների առկայության պայմաններում: Դրանցից կարևոր են ռեսուրսները, գործառնականը (առկա ռեսուրսների օգտագործման արդյունավետությունը) և ծրագրառագնավարականը: Առաջին երկուսը սերտորեն փոխկապված են, քանի որ ռեսուրսների առկայությունը միաժամանակ պահանջում է նաև դրանց արդյունավետ օգտագործում: Օրինակ՝ իիմնական արտադրական ֆոնդների և որակյալ աշխատուժի առկայությունը հնարավորություն է տալիս ձեռնարկություններին ռեսուրսներն արդյունավետ օգտագործելու: Ինչ վերաբերում է երրորդ գործոնին, ապա այն հատուկ կարգավիճակ է ձեռք բերում, քանի որ ներկայիս մրցապայքարը բոլոր մակարդակներում վեր է ածվում ռազմավարական պայքարի, իսկ ռազմավարական բաղադրիչը մրցունակության կարևորագույն բնութագրին է<sup>2</sup>:

Այսպիսով՝ մրցակցությունը գործառնական առավելությունների միայն մի մասն է: Դա լոկ սոցիալ-հոգեբանական խթանների ակտիվացման յուրահա-

<sup>2</sup> Տես Գել’մանовский М.С., Роль и границы конкуренции в решении задач повышения конкурентоспособности национальной экономики. “Современная конкуренция”, №4, 2007, էջ 27:

տուկ մեթոդ է, որը կապված է տնտեսական ոլորտում մրցակցության կազմակերպման հետ և նպաստում է ծախսերի ու գների իջեցմանը: Արդյունքում՝ բարձրանում է արտադրանքի մրցունակությունը:

Տնտեսական մրցակցության վրա ազդող գործոնների բազմազանությունը կարելի է դասակարգել արտաժին (որոնք որոշում են զարգացման համընդգրկուն միտումները), ինչպես նաև ներժին (որոնք արտացոլում են այս կամ այն տնտեսական համակարգի ազգային առանձնահատկությունները) տեսակների: Գաղտնիք չէ, որ ազգային տնտեսական համակարգերը փոխադրված կապերի մեջ են համաշխարհային տնտեսական համակարգի հետ: Եթե, օրինակ, հայաստանյան որևէ արտադրություն գործում է միայն հայրենական շուկայում և մոտ ապագայում մտադրություն չունի կատարելու միջազգային գործարքներ, այնուամենայնիվ, աետք է ուշադրություն դարձնի միջազգային մրցունակության մակարդակին, թեկուզ այն տեսանկյունից, որ երկրի ներսում կամ գործող կամ էլ հայաստանյան ներքին շուկա ներթափանցելու օգտում ունեցող արտասահմանյան ֆիրմաներ:

Փորձը ցույց է տալիս, որ համընդհանրացման պայմաններում << տնտեսական համակարգի մրցունակության աստիճանի բարձրացումն անհնարին է առանց օտարերկրյա ուղղակի ներդրումների (ՕՈՒՆ) ներգրավման ակտիվացման: Դրանով կլուծվի ոչ միայն հայրենական ներդրումային ռեսուրսների պակասուրդի խնդիրը, այլ նաև կապահովվի օտարերկրյա ժամանակակից տեխնոլոգիաների և սարքավորումների կիրառումը, արտադրության կառավարման և կազմակերպման առաջավոր մեթոդների ու ձևերի ներդրումը: Ներդրումային գործունեության խթանումն ու ներդրումային ակտիվության ապահովումը ցանկացած երկրի տնտեսության զարգացման ուղղություններից են: Ավելին, ներդրումային միջավայրի բարեկավումը որպես հիմք է ծառայում ամենից առաջ սոցիալ-տնտեսական զարգացման համար: Այս համատեքստում նպատակահարմար է ընտրել և ուսումնասիրել ներդրումային գործունեության ակտիվացման իրական գործիքակազմերը:

Ներդրումային գործունեության ակտիվացման ցուցանիշներից է ՕՈՒՆ-ի ծավալը, որն արտացոլում է ներդրումային շուկայի բացությունը և ներդրումային միջավայրի գրավչությունը: << Վերոգրալ ցուցանիշները ներկայացված են այլուսակ 1-ում:

**Աղյուսակ 1**  
**Օտարերկրյա (այդ թվում ուղղակի) ներդրումների գուտ հոսքերը և բնակչության մեջ շնչին բաժին ընկնող ծավալները<sup>3</sup>**

	Ընդամենը ներդրումներ (մլն դրամ)	Բնակչության մեկ շնչին բաժին ընկնող ներդրումների ընդհանուր ծավալը (դրամ)	Ուղղակի ներդրումներ (մլն դրամ)	Բնակչության մեկ շնչին բաժին ընկնող ուղղակի ներդրումների ընդհանուր ծավալը (դրամ)
<b>ԸՆԴԱՄԵՆԾ</b>		<b>2014 թ.</b>		
	167 441,9	55 558,4	117 202,3	38 888,5
		<b>2015 թ.</b>		
	118 409,3	39 409,3	69 426,8	23 106,8
		<b>2016 թ.</b>		
	81 581,3	27 263,7	62 679,3	20 946,9

<sup>3</sup> Աղյուսակը կազմվել է << ԱՎԾ պաշտոնական տվյալների հիման վրա: <http://armstat.am/nid=14>

Այլուսակի տվյալներից պարզվում է, որ ՕՌԻՆ-ի գուտ հոսքերը վերջին տարիներին նվազել են, բայց դրանց տեսակարար կշիռը ակնառու փոփոխությունների չի ենթարկվել: Այդուհանդերձ, դրանք էականորեն նպաստում են կենսամակարդակի բարձրացմանը: Բացի դրանից, վերլուծություններից պարզվում է, որ օտարերկրյա կապիտալով աշխատող ձեռնարկությունների մրցակցային առավելություններից է ակտիվ ռազմավարության առկայությունը. այդ թվում՝ մարքեթինգային ոլորտը, ազգային, օտարերկրյա ֆինանսական ռեսուրսների, արդյունավետ կառավարման մեխանիզմների հասանելիությունը և այլն: Տեղին է նշել, որ նման ձեռնարկությունները նպաստում են շուկայական ավանդույթների ձևավորման, տարածման և ձեռներեցության կանոնների արմատավորման գործընթացներին: Մասնավորապես, խոսքը վերաբերում է փոխհարաբերությունների այնպիսի նորմերի ձևավորման ու ամրապնդմանը, ինչպիսիք են գործավարության մեջ ազնվությունն ու կարգապահությունը, պայմանագրային պարտավորությունների կատարումը, ֆիրմայի հեղինակության բարձրացումը և այլն: Սակայն պետք է նշել, որ ՕՌԻՆ-ի դիմանիկ հոսքը մերժայաբար գրավածության աճ չի կարող ապահովել: Շատ հաճախ այն հակառակ արդյունք է ունենում, քանի որ, որպես կանոն, օտարերկրյա կապիտալով ֆիրմաներում բավականին խնայողաբար և արդյունավետ են օգտագործում աշխատանքային ռեսուրսները<sup>4</sup>:

Զբաղվածության մակարդակի նվազեցումը փոխհատուցվում է գրադարձների որակավորման և նրանց աշխատանքի արտադրողականության բարձրացմամբ: Այսպիսով՝ ՕՌԻՆ-ի շնորհիվ մեծանում է ֆիրմայի ներդրումային ակտիվությունը, աճում են շահույթի արտադրական վերաներդրման ծավալները: Նման տնտեսավարող սուբյեկտների կարևոր բնութագրիներից է արտաքին շուկաներում գործարքների ակտիվության բարձր մակարդակը: Այսպես՝ օտարերկրյա կապիտալով գործող ֆիրմաների արտահանման կողմնորոշվածությանը նպաստում են արտադրված արդյունքների բարձր որակը և նրգունակությունը, մարքեթինգային առաջավոր մեթոդների կիրառումը և այլն: Գաղտնիք չէ, որ ներդրումային գործընթացների ակտիվացմանը մեծապես նպաստում է ՕՌԻՆ-ի ռիսկի ապահովություն համակարգի ձևավորումը: Ներկա պայմաններում գարգացող երկրները ձգտում են մեծացնել ՕՌԻՆ-ի հոսքերը: Այդ նպատակով դիմում են մոնետարիստական քաղաքականության գործիքակազմի օգնությանը, սակայն վերջինս 20-րդ դարի ընթացքում անընդհատ փոփոխությունների է ենթարկվել: Ըստ որոշ տնտեսագետների՝ գործազրկության և սղացի մակարդակների նվազումները երկու կարևոր, սակայն միմյանց հակասող երկարաժամկետ տնտեսական նպատակներ են<sup>5</sup>: Զբաղվածության մակարդակի բարձրացման հիմնական եղանակը նոր աշխատատեղերի ստեղծումն է տնտեսական աճի բարձր տեմպերի պայմաններում, սակայն տնտեսական աճի բարձր տեմպերը կարող են առաջ բերել սղացի բարձր տեմպեր:

ՕՌԻՆ-ի ներգրավման վրա ազդող գործուները բազմազան են՝ սղացի մակարդակը, աշխատողների որակավորումը, նրգակցությունը, քաղաքական կայունությունը, մակրոտնտեսական միջավայրի կայունությունը, սեփականության իրավունքի պաշտպանության համակարգը, շուկայի բացությունը,

<sup>4</sup> Տես Պրոխорова О. В., Факторы и инструменты активизации инвестиционной деятельности в регионе //Вестник Российской государственной университета им. И. Канта: Экономические и юридические науки, 2007, № 5, էջ 105:

<sup>5</sup> Տես Раджан Г. Р., Линии разлома. Скрытые трещины, все еще угрожающие мировой экономике (пер. с англ. И. Фридмана при участии Н. Эдельмана). М., Институт Гайдара, 2013, էջ 33:

դրա ընդայնման ներուժը և այլն: Վերոգրյալ գործոնները կարելի է դասակարգել արտաքին և ներքին խմբերի:

Արտաքին գործոնների շարքին է դասվում համաշխարհային տնտեսության ընդհանուր վիճակը, որն արտացոլում է այս կամ այն երկրում ներդրումների այլընտրանքային ծախսերը, մասնավորապես՝ մակրոտնտեսական ընդհանուր պայմանները, տոկոսադրույքները, արտաքույթի փոխանակային արժեքը: Եթե արժույթի փոխարժեքը ցածր է, ապա ՕՈՒՆ-ի հոսքերը դեպի որոշակի երկիր մեծանում են, քանի որ ֆիրմաները տեղական շուկաներից արտադրության գործոններ կարող են ծեռք բերել հարաբերականորեն էժան գներով: Բացի այդ, եթե ներդրում կատարող ֆիրման արտադրված արտադրանքը վերապրտահանում է ներքին շուկա, ապա բարձր գներով վաճառում է այս՝ մեծացնելով շահույթը: Այսպիսով՝ ազգային արժույթի թուլացումը խթանում է ՕՈՒՆ-ի ներհոսքը, եթե, իհարկե, կապիտալի շարժումությունը բացարձակ չէ<sup>6</sup>: Սղաձի տեմպերի կարգավորման քաղաքականությունը կարելի է դիտարկել որպես ՕՈՒՆ-ի ներգրավման ներքին բաղադրիչ, որը կապված է տվյալ երկրում վարվող դրամավարկային քաղաքականության հետ: Այս ամենի հետևանքով նվազում է սղաձի տեմպը, և մակրոտնտեսական միջավայրն ավելի կայուն է դառնում: Սղաձի տեմպերի կարգավորման քաղաքականությունը միաժամանակ միավորում է մի քանի գործոններ, որոնք տեսականորեն դրական ազդեցություն են ունենում ՕՈՒՆ-ի ներհոսքի վրա:

Հաճախ մասնագետները հայտարարում են, որ << զարգացման միակ ժիշտ ուղին նորամուծական մորելների կիրառումն է: Մասնավորապես, նոր տեխնոլոգիաների և բարդ գիտատար արտադրությունների ստեղծման ու իրացման բարձր տեմպերը պետք է հիմնված լինեն զարգացած գիտական համալիրների վրա: Սակայն, մեր կարծիքով, այդ ամենով հանդերձ՝ բացառապես կարևոր է նորամուծական շահադրումնը, որը հնարավորություն կտա արձագանքելու շուկայում ձևավորված պահանջմունքներին: Դա ապահովվում է ոչ միայն նոր տեխնոլոգիաներով և յուրացման հնարավորություններով, այլ նաև դրանց անընդհատ կատարելագործմամբ: Տնտեսությունը կարող է նորամուծական լինել, եթե դրա բոլոր ոլորտներում տիրապետող է կոշտ մրցակցությանը դիմակայումը, նոր շուկաների հայտնաբերումն ու յուրացումը: Բացի նոր տեխնոլոգիաների յուրացումից, տնտեսությունը կարող է լինել նաև տարբերակված, ձկուն արտադրությամբ: Անկասկած, այս ամենը կախված է նաև մրցակցային իրավիճակից: Փորձը ցույց է տալիս, որ նորամուծությունն իրեն արդարացնում է, եթե բոլոր կողմանից արտադրանքի սպառումը ներքին շուկայում անընդհատ աճում է: Կան մի շարք երկրներ, որոնք գիտության բնագավառում առաջատար չեն համարվում, բայց նորամուծությունների ոլորտում բավական մեծ հաջողությունների են հասել. օրինակ՝ Բելգիան, Նիդերլանդները, Ֆինլանդիան, Էստոնիան, Հարավային Կորեան, Թայվանը, Մալայզիան, որոնք ունեն համաշխարհային տնտեսությանն ինտեգրման բարձր տեմպեր: Չատ հաճախ դրանք իրենց աճի և որակի տեսակետից գերազանցում են մեծ գիտական ներուժ ունեցող երկրներին, մասնավորապես՝ ԱՄՆ-ին, Անգլիային, Գերմանիային և այլն<sup>7</sup>:

<sup>6</sup> Տե՛ս Froot Kenneth A. and Jeremy C. Stein, Exchange Rates and Foreign Direct Investment: An Imperfect capital Markets Approach. Quarterly Journal of Economics, 106, 1991, էջ 1191–1217:


<sup>7</sup> Տե՛ս Самаруха А.В., Современные факторы влияния на разработку методики долгосрочного прогнозирования социально-экономического развития. “Известия государственной экономической академии”, № 1, 2007, էջ 90:

Որոշ դեպքերում, նորամուծական մոդելների կիրառման իմաստով, առանձին երկրներ ծգուում են ընդորինակել զարգացած երկրների փորձը՝ առանց հաշվի առնելու ազգային առանձնահատկություններն ու շուկայական բարեփոխումների ավարտման աստիճանը: Ուստի կարելի է եզրակացնել, որ սոցիալ-տնտեսական զարգացման երկարաժամկետ նորամուծական ուղղությունների սկզբունքներն ու մեխանիզմները պետք է գիտականորեն հիմնավորված լինեն ու արտացոլեն երկրի ազգային շահերը:

Ազգային տնտեսության զարգացման հիմնախնդիրը սերտորեն կապված են խորքային վերափոխումների հետ, որոնց արդյունքում տնտեսական համակարգն արնատապես նորացվում է: Նման երևոյթները բնորոշ են աշխարհի բոլոր երկրներին, այդ թվում՝ ՀՀ-ին, բայց յուրաքանչյուր երկրում յուրովի են լուծվում առաջադրված խնդիրները: Որպես կանոն, բոլորի համար ընդհանուրն այն է, որ առաջացած հիմնախնդիրներն ունենում են սուր բնույթ և լուծում են պահանջում: Այս առումով, ՀՀ-ն չի կարող բացառություն կազմել: Պետք է ստեղծել զարգացման մի այնպիսի մոդել, որը կնպաստի մեր երկրի առաջընթացին:

Զարգացման արդի փուլի առանձնահատկություններից է նաև այն, որ ամբողջ աշխարհում տնտեսական կյանքն աստիճանաբար ավելի է քաղաքականացվում: Դրա վառ ապացույցն է այն, որ շուկաներն ավելի ներազդվում են քաղաքական, քան տնտեսական գործընթացներից: Այլ կերպ ասած՝ քաղաքական գործոնն աստիճանաբար ավելի է միջամտում տնտեսական քաղաքականությանը, և կարող ենք, որ ինչ-որ առումներով էլ խանգարում է շուկայական նրանցությանը<sup>8</sup>. օրինակ՝ ԱՄՆ-ի կամ ԵՄ-ի կողմից զանազան պատժամիջոցների կիրառումը ՈԴ-ի, ԻԻՀ-ի կամ այլ երկրի նկատմամբ: Վերջին հաշվով, դա կիանգեցնի անհամաշափ զարգացման, հետևաբար՝ կիսումներության ազին<sup>9</sup>:

ՀՀ-ում 2017-ին իրականացված ներդրումային ծրագրերն ունեցել են ֆինանսավորման տարբեր աղբյուրներ՝ պետական, վարկային և դրամաշնորհային, ինչպես նաև մասնավոր, պետություն-մասնավոր հատված համագործակցությամբ՝ 856.5 մլն ԱՄՆ դոլար ընդհանուր ծավալով: Դրանց բաշխումն ըստ ֆինանսավորման աղբյուրների կարելի է ցույց տալ գծապատճերի միջոցով.



**Գծապատճեր 1. Ներդրումային ծրագրերի կառուցվածքն ըստ ֆինանսավորման աղբյուրների<sup>10</sup>**

<sup>8</sup>Տես **Медведев Д.**, Социально-экономическое развитие России: обретение новой динамики.

“Вопросы экономики”, № 10, 2016, էջ 5–30:

<sup>9</sup>Տես **Пикетти Т.**, Капитал в XXI веке. М., “Ад Маргинем пресс”, 2015:

<sup>10</sup>Տես [www.gov.am/u-fles/file/documents/JNVEST-28.02.pdf](http://www.gov.am/u-fles/file/documents/JNVEST-28.02.pdf)

Սոցիալ-տնտեսական կայուն զարգացումը սերտորեն կապված է արտադրության գործուների՝ հատկապես աշխատանքի և կապիտալի արտադրողականության բարձրացման հետ: Բնական է, որ դրա համար ներդրումներ են անհրաժեշտ՝ պետական և մասնավոր, ներքին և արտաքին: Դրանք պետք է դառնան տնտեսական աճի ապահովման հիմնական գրավականը: Ընդ որում, սրանք առավել կարևոր են, քան սպառման և արտահանման պահանջարկի աճն է: Այս տեսակետից կարևորվում են ներքին մասնավոր միջոցները, հետևաբար՝ անհրաժեշտ է ծերնարկել այնպիսի միջոցառումներ, որոնք խնայողությունների հետ միասին, կնապաստեն դրանք ներդրումների վերածելու գործընթացներին: Փորձը ցույց է տալիս, որ վերջին տարիներին բոլոր զարգացած երկրներում կայուն ձևով խնայողությունները գերազանցում են ներդրումները<sup>11</sup>: Այդ միտումը նկատվում է նաև հետխորհրդային երկրներում, ինչի մասին են վկայում նաև ներքոնշյալ աղյուսակում արտացոլված ԱՊՀ երկրների համախառն կուտակման և համախառն խնայողությունների վերաբերյալ ցուցանիշները:

## Աղյուսակ 2

### 2013–2015 թթ. համախառն կուտակման և համախառն խնայողությունների ցուցանիշներն ըստ ԱՊՀ երկրների<sup>12</sup>

	Ազգային արժույթի միավոր	Համախառն կուտակում			Համախառն խնայողություն		
		2013	2014	2015	2013	2014	2015
Ալբրեժանի Հանրապ.	մլրդ մանաթ	14.9	16.2	15.2	25.3	24.6	15.7
ՀՀ	մլրդ դրամ	1014.2	1007.8	1045.6	599.9	654.3	926.7
Բելառուսի Հանրապ.	մլրդի իոն բել. ռուբլի	260.2	280.7	261.1	190.9	221.6	256.3
Ռազմախոսութ. Հանրապ.	մլրդ թենգե	8845	10232	11410	10301	11837	11397
Ղրղզստանի Հանրապ.	մլրդ սոմ	120.4	147.3	149.3	33.0	50.5	54.0
Մոլդովայի Հանրապ.	մլրդ լեյ	24.8	29.2	27.8	18.6	21.0	18.3
ՌԴ	մլրդի իոն ՌԴ ռուբլի	16.9	17.6	18.6	18.0	19.8	22.6
Տաջիկստանի Հանրապ.	մլրդ սոմոնի	10025	11931	13974	11276	9161	14443
Թուրքմենստան	մլրդ մանաթ				Տվյալները բացակայում են		
Ուզբեկստ. Հանրապ.	մլրդ սում				Տվյալները բացակայում են		
Ուկրաինա	մլրդ գրիվեն	250	213	317	153	184	159

Երկրի սոցիալ-տնտեսական զարգացման համար կարևոր է բյուջետային քաղաքականությունը: Բյուջետային ծախսերի օպտիմալացումը ենթադրում է ցածր արդյունավետությամբ ծախսերի կրծատմամբ և եկամուտների հնարավորություններից ելեկով՝ ավելացնել առավել արդյունավետություն ապահովող ծախսերը, որոնք ուղղված կլինեն ՀՀ տնտեսության զարգացմանը: Առաջին հերթին նկատի են առնվում մարդկային կապիտալում կատարվող ներդրումները: Մարդկային կապիտալը, եթե աշխատանքի շուկայի կողմից առավելագույնս պահանջված է, օգտագործվում է ամբողջությամբ:

<sup>11</sup> Տե՛ս The economist, The Big Mac Index: After the Dips. The Economist, January 9. Wolf M., Negative rates are not the fault of central banks. Financial Times, April 12, 2016:

<sup>12</sup> Աղյուսակ՝ ԱՊՀ երկրների վիճակագրական կոմիտեի պաշտոնական կայք.  
<http://www.cisstat.com/>

Սակայն շատ հաճախ դժգոհություններ են արտահայտվում, որ աշխատանքի շուկայում չկան այս կամ այն մասնագիտությամբ որակյալ աշխատողներ: Առաջին հայացքից թվում է, թե դա առաջարկի հիմնախնդիր է և պետք է լուծվի լրացուցիչ կարերի պատրաստման միջոցով, սակայն երևոյթն իրականում այլ բացատրություն ունի: Գաղտնիք չէ, որ տնտեսության իրական հատվածում ինչ-որ պատճառներով շարունակում են գործել ցածր արդյունավետությամբ ֆիրմաներ: Ինչ խոսք, դրանք կարող են պետության համար մեծ նշանակություն ունենալ: Այս ֆիրմաները ստիպված են ցածր աշխատավարձ վճարել, որի պատճառով էլ կորցնում են իրենց որակյալ կարերին: Որպես հետևանք՝ բարձրածայնում են մասնագետների պակասի մասին:

Նման իրավիճակներում խնդիրը վերաբերում է աշխատանքի սահմանափակ պահանջարկին: Փաստորեն, մարդկային կապիտալին առավելություն է տրվում պահանջարկի անտեսման պայմաններում, ինչն այնքան էլ ռացիոնալ չէ: Հայտնի է, որ աշխատանքի նկատմամբ պահանջարկն ածանցվում է այդ աշխատանքով արտադրող արդյունքների նկատմամբ պահանջարկից: Բացի դրանից, աշխատանքի պահանջարկը կախված է շուկայի զարգացման մակարդակից. ոչ հաջողակ գործարար միջավայրում նոր ֆիրմաներ չեն ստեղծվում, իսկ գործողները չեն ընդլայնվում, բարդ արտադրունքներ չեն արտադրում: Այս ամբողջը պայմանավորում է տնտեսության պարզունակ կառուցվածքը, չեն օգտագործվում ժամանակակից բարդ ու գիտատար սարքավորումներ, տեխնոլոգիաներ: Արդյունքում՝ աշխատանքի պահանջարկի կառուցվածքում գերիշխող են դաշնում ցածր որակավորում ունեցող աշխատողները: Եթե աշխատանքի շուկայում առաջարկը գերազանցում է պահանջարկը, ապա մարդկային կապիտալ կուտակած երկիրը, աշխատանքի արտադրողականության տեսակետից, հետին պլան է մղվում: Սա ենթադրում է ձեռք բերված գիտելիքների և ունակությունների անարդյունավետ օգտագործում<sup>13</sup>: Նորդասական դպրոցի ներկայացուցիչները միշտ էլ նշել են, որ առաջարկն ու պահանջարկն իրարից զատված չպետք է ուսումնասիրվեն:

Փորձ ցույց է տալիս, որ ցանկացած երկրի կամ տարածաշրջանի զարգացումը պայմանավորված է դրանցում գիտության և գործարարության կենտրոնացմամբ: Այլ կերպ ասած՝ պետք են բուհեր և գիտահետազոտական կառույցներ, ընդ որում, առաջնային դերը պատկանում է բուհերին: Դա պայմանավորված է նրանով, որ բուհերում կենտրոնացած է հավակնություններ ունեցող երիտասարդությունը, որը ձգտում է ոչ միայն գիտելիքներ ձեռք բերել, այլ նաև բարձր եկամուտներ ստանալ: Դա հենց այն հզոր խթանն է, որը հանգեցնում է գիտելիքների առևտրայինացմանը: Ներկայումս տարածված է այն տեսակետը, որ համացանցի դարաշրջանում պարտադիր չէ կապիտալի և գիտական ներուժի տարածքային համակենտրոնացումը<sup>14</sup>: Մեր կարծիքով՝ դա այնքան էլ ձիշտ չէ: Բանն այն, որ ռիսկային ներդրումներ կատարողները միշտ ձգտում են լինել դրանց կողմքին՝ գործերի ընթացքին հետևելու համար: Դրա վառ ապացույցներից է SS ոլորտի բազմաթիվ մասնագետների Կալիֆորնիա՝ Սիլիկոնյան հովիտ մեկնումը՝ անձանք մասնակցելու շնորհանդեսներին. համացանցային շփումը նրանց չի բավարարում:

<sup>13</sup> Տես Գիմպելըսոն Յ.Յ., Նужен ли российской экономике человеческий капитал? Десять сомнений. М., “Вопросы экономики”, № 10, 2016, էջ 129–143:

<sup>14</sup> Տես Մայ Յ., Լիգու և институты. FORBES, июнь, 2010:

Այսպիսով՝ ցանկացած երկրի, այդ թվում և ՀՀ սոցիալ-տնտեսական զարգացման գործում կարևորվում է Վերը նշված գործոնների ազդեցությունը: Քննարկված գործոնները սերտորեն փոխկապված են, հետևաբար՝ դրանց համատեղ փոխգործակցության շնորհիվ յուրաքանչյուր հիմնախնդիր հաջողությամբ իր լուծումը կստանա:

#### Օգտագործված գրականություն

1. ՀՀ ԱԿԾ պաշտոնական կայք. [www.armstat.am](http://www.armstat.am)
2. Май В., Льготы и институты. FORBES, июнь, 2010.
3. Гельмановский М.С., Роль и границы конкуренции в решении задач повышения конкурентоспособности национальной экономики. "Современная конкуренция", №4, 2007.
4. Гимпельсон В.Е., Нужен ли российской экономике человеческий капитал? Десять сомнений. "Вопросы экономики". №10, 2016.
5. Медведев Д., Социально-экономическое развитие России: обретение новой динамики. "Вопросы экономики", № 10, 2016.
6. Мелянцев В.А. Информационная революция-феномен "новой экономики". Мировая экономика и международные отношения". №2, 2001.
7. Пикетти Т., Капитал в XXI веке. М., "Ад Маргинем пресс". 2015.
8. Прохорова О.В., Факторы и инструменты активизации инвестиционной деятельности в регионе //Вестник Российского государственного университета им. И. Канта: Экономические и юридические науки, № 5, 2007.
9. Раджан Г.Р., Линии разлома. Скрытые трещины, все еще угрожающие мировой экономике (пер. с англ. И. Фридмана при участии Н. Эдельмана), М., Институт Гайдара, 2013.
10. Самаруха А.В., Современные факторы влияния на разработку методики долгосрочного прогнозирования социально-экономического развития. "Известия государственной экономической академии". №1, 2007.
11. Froot Kenneth A and Jeremy C. Stein, Exchange Rates and Foreign Direct Investment: An Imperfect capital Markets Approach. Quarterly Journal of Economics, 106 (Nov.), 1991.
12. The economist, The Big Mac Index: After the Dips. The Economist, January 9. Wolf M., Negative rates are not the fault of central banks. Financial Times, April, 2016.
13. [www.gov.am/u-fles/file/documents/JNVEST-28.02.pdf](http://www.gov.am/u-fles/file/documents/JNVEST-28.02.pdf)
14. <http://www.cisstat.com/>

**МИХАИЛ ТАВАДЯН**

Декан факультета управления  
АГЭУ, кандидат экономических наук, доцент

**Проблемы социально-экономического развития РА в настоящее время и современные факторы, способствующие их решению.**— В статье рассматриваются проблемы социально-экономического развития РА в настоящее время и современные факторы, способствующие их развитию. В частности, во всех странах современного мира увеличилось число исследований социальных аспектов экономического развития. РА является составной частью всемирной экономики, поэтому реконструкция в условиях глобализации также относится к РА. Важное значение приобретает исследование и анализ финансово-экономических кризисов, инвестиций, миграции капитала, конкурентоспособности, инноваций, совокупных накоплений.

**Ключевые слова:** социально-экономическое развитие, иностранные прямые инвестиции, конкурентоспособность, человеческий капитал, инновация, совокупные накопления.

JEL: O1, O10, O11

**MIKAHAIL TAVADYAN**

Dean of the Department of Management at AUSE,  
PhD in Economics, Associate Professor

**Current Issues of the RA Socio-Economic Development and Modern Factors Contributing to Their Solution.**— The article is devoted to the study of current issues of the socio-economic development of the Republic of Armenia and modern factors contributing to their development. The research on the social aspects of economic development has recently become more active. Armenia is one of the components of global economy, therefore, reconstruction in the context of globalization refers to Armenia as well as to other countries. Therefore, revealing current features of financial and economic crises, investments, capital migration, competitiveness, innovation, total savings has become much more demanded and actual.

**Key words:** socio-economic development, foreign direct investments, competitiveness, human capital, innovation, total savings.

JEL: O1, O10, O11